

離

騷

草

木

史

離騷草木史卷之五

古橋李周拱辰孟侯注

祥符周在浚雪客參閱

松陵張拱乾九臨

六世孫 踴潛以清

七世孫

東杰椅植桂材楚榮相幹

重校刊

遠遊

周拱辰曰、遠遊何以尋仙也、尋仙何以侑愁也、夫

無愁卽仙。而借無愁以侑愁。其爲愁也逾矣。何則。必避愁而覓仙。必仙而始可免愁。則王喬赤松。其思縷苦膺也。不至今乎。太史公有云。使王母皜首戴勝而穴處兮。雖濟萬世不足以喜。真胸臆之言也。吾請以兩東門之蕪。與神山之滄桑。遞換遙贈。皓首之王母。與九年不復之遷客。澆酒而問之曰。對此茫茫。那得不百端交集。

悲時俗之迫阨兮。願輕舉而遠遊。質菲薄而無因兮。焉託乘而上浮。遭沈濁而汙穢兮。獨鬱結其誰語。夜耿耿而不寤兮。魂營營而至曙。惟天地之無窮兮。哀人生之

長勤往者。余弗及。今來者。吾不聞。

周拱辰曰。質菲薄而無因。焉託乘而上浮。自歎蒲柳之姿。而欲希騎鶴沖舉。恐非其質也。天地無窮。人生長勤。言造物之變遷不測。人生之樂少而苦多也。莊子盜跖篇曰。人處世間。風雨晦明。憂愁困苦。以至於老。其間開口而笑者。不過數日而已。鬱結誰語。人生長勤。卽此意。往者弗及。來者弗聞。是俯仰古今。語前不見古人。後不見來者。俯天地之悠悠。獨愴然而淚下。可作二語補注。

步倚徙而遙思兮。怊惝恍而永懷。意荒忽而流蕩兮。心

愁懷而增悲。神儵忽而不返兮。形枯槁而獨畱。內惟省  
以端操兮。求正氣之所由。漠虛靜以恬愉兮。澹無爲而  
自得。聞赤松之清塵兮。願承風乎遺則。貴真人之休德  
兮。美往世之登仙。與化去而不見兮。聲名著而日延。奇  
傳說之託星辰兮。羨韓衆之得一。形穆穆以寢遠兮。離  
人羣而遁逸。

悟音超情昌兩反恍  
于往反懷叶胡威反

集注列仙傳赤松子神農時爲雨師服水玉能入火  
自燒至崑崙山上常止西王母后室隨風雨上下炎  
帝少女追之亦得仙俱去傳說武丁之相辰星東方  
蒼龍之體心尾箕之星所謂大辰也莊子傳說得之

以相武丁、奄有天下、乘東維、騎箕尾而比於列星。音義云、今尾上有傳說星是也。

周拱辰曰、虛靜恬淡、端求正氣、乃仙家真汞也。朱鬱儀靈異篇、韓衆服菖蒲十三年、舉體生毛、日誦萬言。又韓衆採藥詩、聞河紫桂、實大如棗、得而食之、後天而老。常乘白鹿、往來華山、劉根曾遇之。因氣變而遂、會舉兮、忽神奔而鬼怪。時髮鬚以遙見兮、精皎皎以往來、超氛埃而淑郵兮、終不返其故都。免衆患而不懼兮、世莫知其所如。恐天時之代序兮、耀靈畢而西征。微霜降而下淪兮、悼芳草之先薨。聊仿佯而逍

遙。今。永。歷。年。而。無。成。誰。可。與。玩。斯。遺。芳。兮。長。鄉。風。而。舒。情。高。陽。邈。以。遠。今。余。將。焉。所。程。郵一作尤畢音壹蕭一作向

集注淑郵言善之絕尤耀靈日也畢閃光貌

周拱辰曰髣髴遙見如韓衆鹿行來劉根之稽首赤

松乘雨致少女之追隨是也免衆患而不懼洞靈之

宮無謠詠耶高陽邈以遠余將焉所程繩先德以自

勉庶幾亢宗而徽音日遙苦衷莫鑒自撫遺芳知我

者希矣

重曰春秋忽其不淹兮奚久畱此故居軒轅不可攀援  
今吾將從王喬而娛戲餐六氣而飲沆瀣兮漱正陽而

含朝霞。保神明之清澄兮。精氣入而麤穢除。重直用反。沈胡朗反。

漚音械。霞音胡。

集注軒轅黃帝名。王喬周靈王太子晉也。好吹笙。作鳳鳴。遇浮邱公接之仙去。六氣者。凌陽子明經言。春食朝霞。日始欲出。赤黃氣也。秋食淪陰。日沒以後。赤黃氣也。冬飲沆瀣。北方夜半氣也。夏食正陽。南方日中氣也。并天地立黃之氣爲六氣。周拱辰曰。按甘石星經。以日月星辰晦明爲六氣。若云春食朝霞。則漱正陽而食朝霞。不重出乎。順凱風以從遊兮。至南巢而壹息。見王子而宿之兮。審



壹氣之和德曰道。可受兮而不可傳。其小無內兮。其大無垠。毋滑而魂兮。彼將自然。壹氣孔神兮。於中夜存。虛以待之兮。無爲之先。庶類以成兮。此德之門。

周拱辰曰。曰字指王子言。蓋止宿王子。而王子授以要訣如此。道家傳道。裁雲羅。割白雞以盟。乃授口訣。此其可傳者也。至於坎離真汞精氣神。已所自具。故曰可受不可傳。受矣。何以不可傳。能爲可受。已傳矣。以不可傳者傳也。

聞至貴而遂徂兮。忽乎吾將行。仍羽人於丹邱兮。畱不死之舊鄉。朝濯髮於湯谷兮。夕晞余目於九陽。吸飛泉。

之微液兮懷琬琰之華英。玉色頰以脫顏兮精醇粹而始壯。質銷鑠以灼灼兮神要眇以淫放。行戶郎反湯音陽英叶於姜反

頰音名反脫音晚灼音綽

集注丹邱晝夜常明卽丹山中有丹穴鳳凰所自出也語云丹邱燒而仙人出湯谷上有扶木九日居下枝一日居上枝飛泉日入之氣也山海經稷澤多白玉名玉膏黃帝是食是饗所謂懷琬琰之華英類此莊子藐姑射之山有神人焉綽約若處子綽約柔弱貌頰斂容貌脫澤也周拱辰曰聞至貴者谷神不死后天而老道無與並

故云至貴。水經注丹邱千年一燒。黃河千年一清。濯  
髮睇目等語。與他處異。彼放浪之遊。此采真之實也。  
畱不死之舊鄉。庶幾羽人蓬閨之遊乎。然而一身固  
有不死之鄉矣。濯髮湯谷。澄太元也。睇目九陽。潛立  
英也。吸飛泉。飲琅膏也。懷琬琰。食玉苗也。伐髓還童。  
比於處女。又何疑焉。質銷鑠。以綽約。神要眇。以淫放。  
銷鑠。瘦削也。淫放。充裕自得貌。食肉者肥。食氣者癯。  
所謂鍊得身形似鶴形。形瘦而神腴也。  
嘉南州之炎德兮。麗桂樹之冬榮。山蕭條而無獸兮。野  
岑寞其無人。載營魄而登遐兮。淹浮雲而上征。命天閭

其開闢兮。排閭闔而望予。召豐隆使先導兮。問太微之所居。集重陽入帝宮兮。造旬始而觀清都。朝發軔於太儀兮。夕始臨乎於微閭。寧與寂同震古遐字借用

集注太微宮垣十星在翼軫北天有九重故云重陽  
旬始星名清都列子以爲帝之所居也太儀天帝之都也於微閭周禮東北曰幽州其山鎮曰於無閭周拱辰曰重陽卽純陽集重陽而曰入帝宮言集聚真陽之人偕入帝宮以朝帝也旬始司馬相如大人賦垂旬始以爲慘旬始氣如雄鷄見北斗傍者是也屯余車之萬乘兮紛容與而並馳駕八龍之蜿蜿兮載

遠遊至此  
兩腋習習  
風舉

雲旗之逶蛇建雄虹之采旄兮五色雜而炫燿服偃蹇  
以低昂兮驂連蜷以驕驚騎膠葛以雜亂兮班曼衍而  
方行撰余轡而正策兮吾將過乎句芒歷太皓以右轉  
兮前飛廉以啟路陽杲杲其未光兮凌天地以徑度風  
伯爲余先驅兮氛埃辟而清凉鳳凰翼其承旂兮遇蓐  
收乎西皇曄曄星以爲旂兮舉斗柄以爲麾叛陸離其  
上下兮遊驚霧之流波昔曖曖其曠莽兮召玄武而奔  
屬後文昌使掌行兮選署衆神以並轂路曼曼其脩遠  
兮徐弭節而高厲左雨師使徑侍兮右雷公而爲衛  
宛蟠音拳衍戈戰反句音句旂卽旌字叛音洋  
波叶補基反曖烏咸反曖音遠曠音黨屬音燭

音婉

集注、溶、水盛也。服、衡下夾轅兩馬。驂、衡外挽勒兩馬。  
連、蜺、句、蹄也。驕、驚行縱恣也。膠、葛猶交加。曼、衍言無  
極。勾、芒、木神。月令、東方甲乙其帝太皞其神勾芒。太  
皞卽庖羲氏。西方庚金其帝少皞其神蓐收。斗柄北  
斗之柄所謂杓也。麾、旗屬。玄武、北方七星龜蛇也。位  
在北方故曰立身有鱗甲故曰武。文昌、在紫薇宮北  
方魁前六星如匡形。  
周拱辰曰、駕八龍言八馬驂乘。詩、兩驂如舞。四馬爲  
驂。四驂爲八馬。高八尺爲龍也。彗星卽攬搶其光如  
帚其所指之地則有兵自命闡開關至此所謂因氣。

此非度世  
語知其深  
于託者

南史王才

卷五

七

變以會舉迷神奔而鬼怪也。捐羣真朝上帝鞭虬駕  
螭揮役萬靈自是冲舉後實事作大言讀之便誤。  
欲度世以忘歸兮意恣睢以担橋內欣欣以自美兮聊  
媮娛以淫樂涉青雲以汜濫遊兮忽臨睨夫舊鄉僕夫  
懷子心悲兮邊馬顧而不行思故鄉以相像兮長太息  
而掩涕汜容與而遐舉兮聊抑志而自弭。  
担音桀橋音  
僑樂叶五教  
汜反汎  
汜同汎

集注度世越塵世而仙去也。担橋矯舉也。淫樂樂之  
深也。邊徬也。謂兩驂也。  
周拱辰曰前曰終不反其故鄉。此曰思故鄉以想像。

乾坤情字  
裂江海淚  
花成

此當與西  
王母宴穆  
天子瑤池  
盡出寶器  
者並為一  
觀鈞天之  
樂不屬人  
間矣

何以介介然者。此懟君而逃。與他人之揮手厭世者  
異也。雲端遙視。鄂渚茫茫。而兩東門之蕪如故。能無  
泣然乎。僕夫邊馬。亦緘子愁。未免有情。何能堪此。嗟  
乎。遼東鶴。反悼人民之已非。幔亭張宴。悵子孫之空  
聚。仙人多涕。自昔然與。

指炎帝而直馳兮。吾將往乎南疑。覽方外之荒忽兮。沛  
澗。漾而自浮。戒祝融而蹕御兮。騰告鸞鳥。迎處如張咸  
池。奏承雲兮。二女御九韶歌。使湘靈鼓瑟兮。令海若舞  
馮夷。立螭蟲象並出進兮。形繆虬而委蛇。雌蜺便娟。目  
增撓兮。鸞鳥軒翥而翔飛。音樂博衍。無終極兮。焉乃逝。



以徘徊反浮叶扶昆反歌叶居支切繆于九反虬巨九

集注南方丙丁其帝炎帝其神祝融南疑卽九疑洞

瀼謂元氣鴻濛也蹕止行人咸池黃帝樂中春之月

乙卯之辰日在奎奏之命曰咸池堯脩用之世遂謂

堯樂顓頊命飛龍氏會八風之音爲圭水之曲浮金

效珍於是鑄之爲鐘作五基六英之樂名曰承雲馮

夷卽河伯莊子云馮夷得之以遊大川鰲虬盤曲貌

撓曲也

周拱辰曰山海經中極之淵惟馮夷都焉穆天子傳

天子西征至陽紆之山河伯馮夷之所都居河伯乃

曲終人不見江上數峰青讀焉  
逝徘徊可百欲易青字為愁半矣

長卿大人賦語多出

與天子披圖視典以觀天下之寶器。按海若馮夷、一  
海神、一河神、而曰令海若舞馮夷者何言張咸池奏  
承雲又命湘靈鼓瑟海若供令馮夷起舞也行厨鈞  
天一時雲集豈不勝故鄉之涕也而借此自誘乎然  
而一種愁緒猶怛怛也焉乃逝以徘徊形影自弔更  
聞韶心痛曼瑟涕流矣一枕遊仙固不知千年魚腹  
足自了耶

舒并節以馳驚兮遑絕垠乎寒門軼迅風於清源兮從  
顓頊乎層冰歷玄冥以邪徑兮乘間雜以反顧召黔羸  
而見之兮為余先乎平路經營四方兮周流六漠上至

列缺兮降望大壑下崢嶸而無地兮上寥廓而無天視  
儵忽而無見兮聽悄悄而無聞超無爲以至清兮與泰  
初而爲鄰連勑角反門叶音冥黔其  
炎反天叶他因反嶸音宏

集注連遠也天之邊際九陰之地爲寒門五寒所自  
出北方其帝顓頊其神玄冥間維者天有六間地有  
四維也淮南子東北爲報德之維西南爲背陽之維  
東南爲常羊之維西北爲號通之維黔羸水神列缺  
電隙也又謂天門大壑山海經東海之外有大壑顓  
頊於此棄其琴瑟又淮南子南遊罔食之野北息沈  
墨之鄉西窮窅冥之黨東開鴻濛之先下無地而上

無天、聽焉無聞、視焉無矚、此其外尙有汰沃之汜、秦  
初天地未分之始也、

周棋辰曰、無地無天、無見無聞、寓意更遠、蓋欲逃之  
天地之外、付時事於不見不聞、較前涉青雲以泛濫  
遊、抑又眇矣、今而後棲神寥天、故鄉念斷、始不再飄  
墮、愁國耶、與秦初而爲隣、俯視兩東門、不啻瀛洲之  
一夢矣、

離騷草木卷之六

古檣李周拱辰孟侯注

無錫秦松齡對巖

參閱

長洲許虬竹隱

六世孫

以清 踴潛

七世孫

東杰椅棧桂材莞榮相韓

重校刊

卜居

周拱辰敘曰。古人登廟而卜。歸其智於祖也。明德

蔽諫二字  
一篇主意

十六平字  
須看其逐  
句伸縮變  
化之妙。  
乎字上連  
句叶韵東

之。不。惜。而。失。身。以。爲。先。人。辱。鬼。之。所。弗。許。亦。原。之。  
所。不。敢。出。也。且。夫。國。有。老。成。以。其。身。備。國。之。耆。龜。  
而。假。耆。龜。以。免。乎。君。聽。之。謂。何。使。其。進。退。之。谷。也。  
宜。岸。宜。獄。君。子。以。是。悲。握。粟。之。窮。矣。  
屈。原。既。放。三。年。不。得。復。見。竭。志。盡。忠。而。蔽。鄣。於。讒。心。煩。  
慮。亂。不。知。所。從。乃。往。見。太。卜。鄭。詹。尹。曰。余。有。所。疑。願。因。  
先。生。決。之。詹。尹。乃。端。策。拂。龜。曰。君。將。何。以。教。之。屈。原。曰。  
吾。寧。悵。悵。歟。歟。朴。以。忠。乎。將。送。往。勞。來。斯。無。窮。乎。寧。誅。  
鋤。草。茅。以。力。耕。乎。將。游。大。人。以。成。名。乎。寧。正。言。不。諱。以。  
危。身。乎。將。從。俗。富。貴。以。媮。生。乎。寧。超。然。高。舉。以。保。貞。乎。

坡蓮花漏  
銘偷此法  
也

此處換韻

應前護人

將○呢○訾○栗○斯○喔○伊○儒○兒○以○事○婦○人○乎○寧○廉○潔○正○直○以○自○  
清○乎○將○矣○梯○滑○稽○如○脂○如○韋○以○潔○楹○乎○寧○昂○昂○若○千○里○  
之○駒○乎○將○汜○汜○若○水○中○之○鳧○與○波○上○下○媮○以○全○吾○軀○乎○  
寧○與○騏○驥○亢○軛○乎○將○隨○驚○馬○之○迹○乎○寧○與○黃○鵠○比○翼○乎○  
將○與○鷄○鶩○爭○食○乎○此○孰○吉○孰○凶○何○去○何○從○世○溷○濁○而○不○  
清○蟬○翼○爲○重○千○金○爲○輕○黃○鍾○毀○棄○瓦○釜○雷○鳴○譏○人○高○張○  
賢○士○無○名○吁○嗟○默○默○兮○誰○知○吾○之○廉○貞○詹○尹○乃○釋○策○而○  
對○曰○夫○尺○有○所○短○寸○有○所○長○物○有○所○不○足○智○有○所○不○明○  
數○有○所○不○逮○神○有○所○不○通○用○君○之○心○行○君○之○意○龜○策○誠○  
不○能○知○此○事○

勞去聲媮音偷呢音足訾音貴喔音握伊音湯  
音伊儒兒一作嚚呢明叶音芒通叶音湯

集注送往勞來將迎物情也。呶訾心欲言而口若吃也。栗斯身欲動而膽若怯也。喔咿柔聲。儒兒媚態。事婦人者非此不可。所謂婦人丈夫而女子者也。突梯滑達貌。滑稽圓轉貌。脂亦滑澤。韋則柔韌也。楹屋柱亦圓物。以脂灌韋而潔之。益圓轉而無所止矣。輓車前衡也。黃鍾謂鍾之律中。黃鍾者器極大而聲闕。瓦釜無聲之物。以妖怪而作鳴。周拱辰曰。屈原懷忠抱亮。障蔽於讒。一腔憤激。無所告語。俗澆不可問問之天。天高不可問問之鬼。卽令五帝以折中。戒六神使嚮服之意。借以鳴其不平也。



屈大夫一  
肚皮憤懣  
今日和盤  
拓出

非卜也。若云卜原之自審定矣。吾寧惓歎以下八段。  
乃對神伸問之詞。非對鄭詹尹言之也。卽蘇髯一肚  
皮不合時宜。一番舒洩。爾詹尹曰。龜策誠不能知此  
事。亦非詹尹自歎。以爲不知也。言世態至此。卽聰明  
正直如神。亦不能爲汝謀。正兩相嗟嘆。傷心語。若作  
實語讀之。何異說夢。

王弼州曰。今人以賦作有韻之文。爲阿房赤壁累  
固耳。然長卿子虛已極曼衍。卜居漁父實開其端。  
周拱辰曰。正直不可。不正直又不可。何途之從而  
可乎。直是悲岐問路之感。句句詰問。卻句句恢諧。

離騷草木史

卷六

三

此與曼倩割肉帝令自責乃反自譽當令楚鬼亦  
粲然而笑

離騷草木史卷之七

古橋李周拱辰孟侯注

山陽邱象隨季貞

參閱

長洲程棟杓石

六世孫

以清踴潛

七世孫

東 肅 椅 楨 桂 材 楚 榮 相 榦

重校刊

漁父

周拱辰敘曰善涉世者自予以寬然有餘之地而

後可出世久世唯吾所之而無碍故夫醉醒清濁  
之間君子之所以藏身也矯之以爲潔標之以爲  
名而有物敗之矣語曰飲牛洗耳亦多事更向巢  
由頂上行夫巢由頂上者何物漁父知之矣吾將  
以漁父爲教父

屈原既放游於江潭行吟澤畔顏色憔悴形容枯槁漁  
父見而問之曰子非三閭大夫與何故至於斯屈原曰  
舉世皆濁我獨清衆人皆醉我獨醒是以見放漁父曰  
聖人不凝滯於物而能與世推移世人皆濁何不泥其  
泥而揚其波衆人皆醉何不餽其糟而歠其醢何故深

兩安能隔  
句對法

結甚韵有  
桃花流水  
杳然去之  
致

思高舉。自令放爲。屈原曰。吾聞之。新沐者必彈冠。新浴者必振衣。安能以身之察察。而受物之汶汶者乎。寧赴湘流。葬於江魚之腹中。安能以皓皓之白。而蒙世俗之塵埃乎。漁父莞爾而笑。鼓枻而去。乃歌曰。滄浪之水清兮。可以濯吾纓。滄浪之水濁兮。可以濯吾足。遂去不復與言。  
波。渥古沒反。波叶補悲反。舖音。波。歌。昌悅反。汶去聲。枻音曳。  
集注。歌。飲也。糟。醕。皆酒滓。以水舂糟曰醕。鼓枻。扣船舷也。禹貢。嶧導。漾爲漢。又東爲滄浪水。周拱辰曰。醕。首酒也。醕。尾酒也。其味最薄。楚地志。漢水武當縣西北四十里。漢水中有洲。名滄浪。又地說。

曰、本出荆山、東西流爲滄浪水。是近楚都、故漁父歌  
之也。按此歌與孺子之歌、歌同而取意各異。孺歌取  
一清一濁、纓足皆水之自取。漁歌取濯纓濯足、清濁  
一任之、無心畢前衆濁、獨清之語、而以談笑出之也。  
然則原之終焉抱石畢、竟投之清流乎、濁流乎、自清  
自濁、魚腹何知焉。則謂卽以謝鼓枻之一歌、可也。嗟  
乎、首陽采薇、爰畢命於淑媛、湘纍沈淵、乃引意於漁  
父、可爲一嘸。

此意千古  
永有人知

周拱辰又曰、漁父未可概謂託言也。天下儘有抱高  
尚而隱於漁者。太卜著其姓名、惜漁父不著姓名耳。

乃往。往有問伊姓名而不答者。觀其莞爾一笑。不肖以姓名落人世久矣。莊子緇林之漁。耻剝利名。屈原江潭之漁。彈射名節。並是奇人。令人神邈。桑悅曰。卜居與漁父皆僞立主客。然體格較卜居又變矣。卜居末句用乎字。乎字上必唯韻成文。漁父則以傳記體行之。格須辨也。

離騷草木史卷之八

古構李周拱辰孟侯注

無錫嚴繩孫蓀友參閱

吳江徐鉉虹亭

六世孫 以清

七世孫

東杰榘植桂材楚榮相蓀

重校刊

九辨

周拱辰敘曰九辨宋玉爲師貢憤而作也夫老猿



首篇攢簇  
景物最盛  
策過數悲  
冰動人

啼○秋○衆○難○益○之○淚○何○益○曰○以○止○之○也○人○有○泣○者○沮○  
之○勿○止○也○助○之○泣○而○泣○者○衰○止○焉○則○以○其○勸○之○者○  
止○之○云○爾○然○而○悲○哉○秋○氣○難○乎○爲○失○職○之○士○矣○或○  
曰○玉○爲○楚○大○夫○何○不○代○白○之○君○而○爲○此○唧○唧○者○乎○  
衆○犬○狺○狺○關○梁○不○通○無○救○於○讒○而○深○其○忌○玉○之○所○  
不○敢○出○也○賴○皇○天○之○厚○德○兮○還○及○君○之○無○恙○所○以○  
慰○師○者○至○矣○所○以○祝○君○者○至○矣○  
悲○哉○秋○之○爲○氣○也○蕭○瑟○兮○草○木○搖○落○而○變○衰○僚○慄○兮○若○  
在○遠○行○登○山○臨○水○兮○送○將○歸○次○寥○兮○天○高○而○氣○清○宋○崖○  
兮○收○潦○而○水○清○惜○悽○增○欷○兮○寒○薄○之○中○人○愴○悅○懷○恨○兮○

去○故○而○就○新○坎○廩○兮○貧○士○失○職○而○志○不○平○廓○落○兮○羈○旅○  
而○無○友○生○惆○悵○兮○而○私○自○憐○  
亮反悅許昉反憐古廣反悵音寥憐音流次音血宋寂同崖  
音朗廩力敢反憐叶音隣

集注次寥曠蕩貌巖虛空也惜悽悲痛貌欬嘆泣貌  
愴怳憤恨皆失志貌去故就新別離也坎廩不平也  
廓落空寂也氣清之清還宜依古本作靜字叶平聲  
不宣二句皆以清爲韻也

周拱辰曰寒薄之中人此中字卽中風中酒之中寒  
薄中人秋氣中之也亦人之秋氣多者自中之耳貧  
士失職句最慘貴人有貴人之職貧士亦自有貧士

離騷草木史

卷八

二

之職昌榮鮮好乘時建功貴人之職也履道坦坦安  
閑自得貧士之職也士貧矣而重以憂讒畏譏其爲  
失職也愈矣而更無如友生之聊落何莫貧于無知  
已而遇之坎廙次之貧士而得友生固不貧耶

燕翩翩其辭歸兮蟬宗寞而無聲鴈雁雁而南遊今鷗

鷗啁哳而悲鳴獨申旦而不寐兮哀蟋蟀之宵征時臺

臺而過中兮蹇淹留而無成應音邕啁哳反交

集注鷗鷗似鶴黃白色啁哳聲繁細貌臺臺進貌過

中謂漸衰也

周拱辰曰淮南鉗旦大丙之御軼鷗鷗於姑餘許叔

仲曰鵙鷄鳳凰之別名。穆天子傳鵙鷄飛八百里。郭璞曰卽鵙鷄也。

右一

悲憂窮蹙兮獨處廓。有美一人兮心不釋。去鄉離家兮

遠來客。超逍遙兮今焉薄。

釋叶以略反客叶苦各反

集注釋解也。補云抽絲也。或作憊薄止也。

專思君兮不可化。君不知兮可奈何。蓄怨兮積思。心煩

冤兮忘食事。願一見兮道余意。君之心兮與余異。車旣

駕兮竭而歸。不得見兮心傷悲。倚結軫兮長太息。涕渥

浹兮下霑軾。忼慷絕兮不得中。督亂兮迷惑。私自憐兮

何極。中怛怛兮諒直。化叶苦反。思去聲。

集注。竭去也。輪車軾下縱橫木。軾所憑者。怛怛。心急

貌。

周拱辰曰。呂氏春秋。膠鬲見武王於鮪水。曰。西伯竭去。又曰。西伯竭至。竭之爲言。盡也。謂車旣駕矣。盡而歸乎。怛。慄絕三字。最毅而惋。言一往繾綣故國之思。庶幾借利刃割之。無如遣而復來何也。思君怨君。一語悽斷。

右二

皇天平分四時兮。竊獨悲此廩秋。白露旣下百草兮。奄

字字凋落  
之景

離披此梧楸。去白日之昭昭。今襲長夜之悠悠。離芳藹  
之方壯。今余萎約而悲秋。稟作

集注離披分散貌。梧桐楸梓皆蚤凋。

秋既先戒。以白露兮。冬又申之以嚴霜。收恢台之孟夏  
兮。然歆僚而沈滅。葉菸邑而無色兮。枝煩拏而交橫。顏  
淫溢而將罷兮。柯彷彿而萎黃。前櫛慘之可哀兮。形銷  
鑠而瘵傷。惟其紛糅而將落兮。恨其失時而無當。歌與坎同

燕音於羣音如橫叶音黃罷音疲前音  
稍櫛慘即蕭慘瘵於去反糅女救反

集注恢台廣大貌。歆陷僚止也。前木枝疎也。櫛慘樹  
之鬱然長貌。血敗曰瘵。紛糅散亂貌。

此皆失職  
不平中語  
意徘徊歎

離騷草木史

卷八

四

周拱辰曰、恢台、黃山谷謂台爲養。言孟夏長養萬物。  
至是弘茂也。蓊穉、花葉落貌。言花葉凋落、樹形長  
瘦也。

學騁轡而下節兮。聊逍遙以相佯。歲忽忽而道盡兮。恐  
余壽之弗將。悼余生之不時兮。逢此世之狂攘。澹容與  
而獨倚兮。蟋蟀鳴此西堂。心怵惕而震盪兮。何所憂之  
多方。叩明月而太息兮。步列星而極明。學力敢反狂一  
作狂又音匡攘

一作曠叩音  
仰明叶音芒

集注下節猶案節也。適迫也。狂攘狂遽貌。

右三

竊悲夫蕙華之會數兮。紛旖旎乎都房。何曾華之無實。今從風雨而飛颺。以爲君獨服此蕙兮。羌無以異於衆。芳閔奇思之不通兮。將去君而高翔。心閔憐之慘悽兮。願一見而有明。重無怨而生離兮。中結軫而增傷。旖旎音旖旎

叶音芒

集注旖旎盛貌。會重也。都大也。房北房也。卽詩所云樹背。蓋古人植花草之處也。

周拱辰曰。楊升庵云。旖旎卽詩猗猗二字。特今之於

古字形有異耳。今以猗猗爲平。旖旎爲仄。誤矣。

豈不鬱陶而思君兮。君之門以九重。猛犬狺狺而迎吠。



今關梁閉而不通。皇天淫溢而秋霖兮。后土何時而得  
乾。塊獨守此無澤兮。仰浮雲而永歎。信音銀歎平聲

集注天子有九門。謂關門、遠郊門、近郊門、城門、臯門、  
庫門、雉門、應門、路門也。狺狺犬爭吠聲。

周拱辰曰。九章云。邑犬羣吠。今吠所怪也。關門閉而  
不通。又何尤。韓非云。東鄰有酒。瘕狗噬人而酤不售。  
九重有國。狗賢畏卻而不敢進。况又重以噉羹之主。  
哉。宜覆亡之相踵矣。

右四

通章騷風  
摛藻不別  
立意文中  
另一格也

何時俗之工巧兮。背繩墨而改錯。卻騏驥而不乘兮。策

驚駘而取路。當世豈無騏驥。今誠莫之能善御。見執轡者。非其人兮。故踟跳而遠去。鳬鴈皆唼夫梁藻。今鳳愈飄翔而高舉。圓鑿而方柄兮。吾固知其鉏鋸而難入。衆鳥皆有所登棲。今鳳獨遑遑而無所集。願銜枚而無言。今常被君之渥洽。太公九十乃顯榮兮。誠未遇其匹合。

唼音嬰  
鉏音語

集注馬立不常謂之踟。唼。喋也。梁。米名。藻。水草。鑿。柄木相入之物。惟方柄圓鑿。則不相入。鉏。鋸。相距貌。銜枚。所以止言者。枚狀如箸。橫銜之。兩頭有繯。結於項後。

周拱辰曰。此章驥鳳一意纏綿到底。卻驥策驚駘。失眞驥而收偽驥。其可言乎。凡鳥賀履鳳無一枝之棲傷如何矣。太公九十乃顯榮。呂氏春秋呂望行年五十賣食於棘津。行年七十屠牛於朝歌。行年九十爲天子師。記西伯得呂尚爲師。年八十又二十年而紂亡。又五年而武王陟。又三年而成王陟。康王六年而太公薨。壽一百十四。此曰九十顯榮。蓋指武王受命時也。

謂驥驥兮安歸。謂鳳鳳兮安棲。變古易俗。今世衰。今之相者。今舉肥驥。驥伏匿而不見。今鳳凰高飛而不下。鳥

獸猶知裹德兮。何云賢士之不處。驥不驟進而求服兮。鳳亦不貪餒而妄食。君棄遠而不察兮。雖願忠其焉得。欲宗實而絕端兮。竊不敢忘初之厚德。獨悲愁其傷人兮。馮鬱鬱其何極。

周拱辰曰。猶知懷德。與下不敢忘初之厚德。句相應。懷德有兩意。一則懷主之德。不敢忘報。一則懷已之德。不敢失身。懷主德。愛君也。不敢失身。以辱君。亦以愛君也。驥匿不求服。鳳飛不妄食。同此意。爾然而驥心千里。曾受鹽坂之知。鳳輝千仞。未酬阿閣之拜。亦奈之何哉。句句指驥鳳。中原句句指驥鳳。慟哭驥鳳。

亦應墮淚。

右五

霜露慘淒而交下兮。心尚蚤其弗濟。霽雪零糅其交加。  
兮。乃知遭命之將至。願徼幸而有待兮。汨莽莽與塋草  
同死。願自直而徑往兮。路壅絕而不通。欲循道而平驅  
兮。又未知其所從。然中路而迷惑兮。自厭按而學誦。性  
愚陋以褊淺兮。信未達乎從容。竊美申包胥之氣。晟兮。  
恚時勢之不同。誦一作幸厭音壓  
誦平聲同叶音通  
集注學誦述古道以自寬也。厭按皆拍止之意。欲速  
則不達。欲緩則無門。惟有追諷古蹟。聊舒愁嘆耳。申

包胥。楚大夫。伍子胥得罪于楚。奔吳。爲吳王闔閭臣。興兵而伐楚。破郢。昭王出奔。于是申包胥乃之秦。請救兵。鶴立于秦庭。啼呼悲泣。七日七夜。不絕聲。勺飲不入于口。秦伯哀之。爲發救兵。楚昭王復國。周拱辰曰。氣晨晨滿也。言申胥秦庭七日之哭。一腔忠義。天地亦爲哀憤。况秦伯乎。秦之爲德于楚厚矣。又曰。恐時勢之不同何也。是時秦雖救楚。豈能一日忘楚者哉。其後誑楚。絕齊。合齊伐楚。旣又割漢中和。楚又約婚誘楚。秦伯與張儀日夜謀楚。視楚直几上肉耳。時勢故岌岌。而楚君臣泄泄不悟。原曾遺書諫。

懷王曰何不殺張儀而悔已無及原直以三年澤畔之愁吟當申胥秦庭七日之哭復楚者秦而滅楚者亦秦原師弟已窺之蚤已可知天上霰雪卽原之命真千古苦語也

何時俗之工巧兮滅規渠而改鑿獨耿介而不隨兮願慕先聖之遺覺處濁世而顯榮兮非余心之所樂與其無義而有名兮寧窮處而守高食不嫌而爲飽兮衣不苟而爲溫竊慕詩人之遺風兮願託志乎素餐蹇充泥而無端兮汨莽莽而無垠無衣裘以禦冬兮恐溘死而不得見乎陽春

鑿叶音造覺音教樂高並去聲始音偷漏音屈

集注充備、記作充訕、注謂喜失節貌、  
周○拱○辰○曰○食○以○瓊○靡○故○飽○衣○以○秋○蘭○故○溫○不○媮○不○苟○  
其○爲○恒○懸○也○多○矣○以○原○慕○伐○檀○知○原○哉○

右六

靚杪秋之遙夜兮。心繚悵而有哀。春秋連連而日高兮。  
然惆悵而自悲。四時遞來而卒歲兮。陰陽不可與儷借。  
白日晚晚其將入兮。明月銷鑠而滅毀。歲忽忽而道盡。  
兮。老冉冉而愈弛。心搖悅而日委兮。然怊悵而無冀。中  
惜惻之懷愴兮。長太息而增欷。年洋洋以日往兮。老蓼  
靡而無處。事亶亶而覲進兮。蹇淹留而躊躇。音了候  
音列連竹



角反晚音宛翼  
歛並叶上聲

集注觀與靜同杪末也繚繳繞也悵悲結也連遠也  
陰陽不可儷而與之偕言彼去而我畱或云我去而  
彼畱也晚晚景佚也參廓空也

右七

何汜濫之浮雲兮焱靡蔽此明月。忠昭昭而願見兮然  
露墮而莫達。願皓日之顯行兮雲蒙蒙而蔽之。竊不自  
料而願忠兮或訛點而汙之。堯舜之抗行兮瞭冥冥而  
薄天。何險巇之嫉妬兮被以不慈之偽名。彼日月之昭  
明兮尚黯黹而有瑕。何況一國之事兮亦多端而交加。

焱卑遙反露音陰駝丁  
感反汗去聲黹徒威反

集注。焱疾貌。露雲蔽日也。噎陰風也。黯黹有瑕。雲黑  
點日月如有瑕也。

被荷裯之晏晏兮。然潢洋而不可帶。既驕美而伐武兮。  
負左右之耿介。憎愷惓之脩美兮。好夫人之慷慨。衆嗟  
蹶而日進兮。美超遠而愈邁。農夫輟耕而容與兮。恐田  
野之蕪穢。事縣縣而多私兮。竊悼後之危敗。世雷同而  
炫曜兮。何毀譽之昧昧。今脩飾而窺鏡兮。後尚可以寬  
藏。願寄言夫流星兮。羌儵忽而難當。卒靡蔽此浮雲兮。  
下暗漠而無光。

叶被平聲裯音刀穢  
叶烏怪反靡去聲

集注荷稠言有美名而無實用。伐武自誇其武也。脩  
飾窺鏡。謂考往事以自鑑。尚可竄藏。謂潛伏不至於  
亡。寄言欲附此言于君。流星既不可值。卒爲壅蔽而  
不能明矣。浮雲當作明月。  
周拱辰曰。諺云。懶婦缺中裙。惰農缺瓦盆。然而見霜  
藝黍。猶勝於中春之棄稼也。以鏡照知前醜。以賢照  
知昔非。君子可以競其末路矣。浮雲舊改作明月。非  
也。詞家拗句法。往往有此。言我寄言於流星。流星倏  
忽徂逝。而不爲我將。我欲驅浮雲一見天日。而苦此  
浮雲爲之壅蔽。壅蔽此浮雲。言壅蔽者此浮雲也。與

杜詩香稻啄餘鸚鵡粒。句法相似。若改作明月。意便索然。

右八

堯舜皆有所舉任兮。故高枕而自適。諒無怨於天下兮。心焉取此休惕。棄騏驥之瀏瀏兮。馭安用夫強策。諒城郭之不足恃兮。雖重介之何益。遠翼翼而無終兮。惛惛而愁約。生天地之若過兮。功不成而無效。願沈滯而不見兮。尚欲名布乎天下。然潢洋而不遇兮。直恟愁而自苦。莽洋洋而無極兮。忽翔翔之焉薄。國有驥而不知。棄兮焉遑遑而更索。寧戚謳于車下兮。桓公聞而知之。

無伯樂之善相兮。今誰使乎譽之。罔流涕以聊慮兮。惟  
著意而得之。紛怵怵之願忠兮。妬被離而鄣之。劉音流  
要下叶音戶怵音妬  
愁音茂怵一作純

集注。瀏瀏如水之流。若過。古詩云。人生天地間。忽如  
遠行客。恂恂愚昧也。怵怵專一貌。

願賜不肖之驅而別離兮。放遊志乎雲中。棄精氣之搏  
搏兮。驚諸神之湛湛。騫白霓之習習兮。歷羣靈之豐豐。  
左。朱雀之茭茭兮。右。蒼龍之躍躍。屬雷師之闐闐兮。通  
飛廉之衙衙。前。輕輦之鏘鏘兮。後。輜乘之從從。載雲旗  
之委蛇兮。扈屯騎之容容。計專專之不可化兮。願遂推

而爲臧。賴皇天之厚德兮。還及君之無恙。湛羊戎反。爰音旄。衙叶五。

乎反從叶楚。紅反恙音羊。

集注精氣。謂日月。搏與團同。湛湛。厚集貌。習習。飛動貌。豐豐。多也。芟芟。飛揚貌。躍躍。行貌。闐闐。鼓聲。衙衙。亦行貌。輕鯨。車之輕而有窓者。鏘鏘。從從。皆其驚聲也。輜駟。車前衣車後者也。恙。憂也。一曰虫入腹食人心。古者草居。多被此毒。

周拱辰曰。專專。猶硜硜。卽匪石不可轉之意。專一不變。堅持此志。欲以化君。豈更爲君化乎。賴天厚德。君心或回。旭日依然。無恙爾。恙不止毒虫。楚志有獺獸。

食人與豺相似。大而橈杌。小而獠獸。凶惡一也。食人。心者。涿壺氏驅之。或有衰止。食君心者。不第剪逐。無人抑且羣爲。係奸奈何哉。皇天或者大啟君心。而俾之蚤悟。楚祚尚有賴乎。王之所以善頌其君與師也。

右九

楊慎曰。古人言數之多。止於九。逸周書曰。左儒九諫于王。孫武子善攻者。動於九天之上。善守者。伏于九地之下。此豈實數耶。楚辭九歌。乃十一篇。九辨亦十一篇。宋儒不曉古人虛用九字之義。強合九辨二章爲一章。以協九數。茲又可笑。

周拱辰曰、宋王賦手、亦千古絕才、觀其登徒襄王  
諸賦、已可知也、九辨視騷、不無乳水、豈所云智與  
師齊、減師半德者耶、然鬆快清峭、如食、絳雪、如拭、  
劍齒、故自獨擅、



離騷草木史卷之九

古橋李周拱辰孟侯注

吳江潘耒稼堂

參閱

長洲吳藹虞升

六世孫

以清

七世孫

東杰栢楨桂材楚榮相幹

重校刊

招魂

周拱辰敘曰、招魂者何、弟子宋玉閱師之懷忠被

放魂魄凋謝而假上帝之命以招之。卽原指九天  
以爲正之極思。而上帝不忍之答也。夫鬼猶求食。  
恃德馨而飽爾。選聲貢色之不己。而淫獵之娛不  
亦狹乎。於薦氣達志爲已疎矣。帝高陽之苗裔哉。  
原戚屬而親之。懷隔膜而擯之。上帝曰復汝魂魄。  
盍而歸兮。楚懷曰有成言矣。願無相見。魂而有知。  
終於魚腹而已。噫。親臣之不卹。而徒費弟子大聲  
之號。此與兄則死。而子臯續相去幾何也。楚之不  
亡僅矣。

朕幼清以廉潔兮。身服義而未沫。主此盛德兮。牽於俗

而蕪穢。上無所考此盛德兮。長離殃而愁苦。

集注此宋玉代爲屈原之詞。沫猶昧。

周拱辰曰。未沫。所謂芳至今猶未沫也。牽俗蕪穢。謂申椒其不芳也。無所考。卽所云高陽日以邈。余將焉所程也。

帝告巫陽曰。有人在下。我欲輔之。魂魄離散。汝筮予之。巫陽對曰。掌蓍上帝其命難從。若必筮予之。恐後之謝。不能復用巫陽焉。夢古

集注此段立天帝及巫陽以爲辭。子與同上帝之命。欲筮其所在而與之招。巫陽以爲招魂本掌寢者所

主之事不必筮。若必筮而後招之，則將有恐後之謝，雖巫陽無所用之耳。

周拱辰曰：汝筮子之一段，諸說皆悞。按周禮：筮人掌三易以辨九筮之名。凡國之大事，先筮而後卜。筮不吉，則不卜。言先用筮，後用招，而予以魂魄也。掌蓍，卽占夢，以日月星辰占六夢之吉凶者，其命難從，非巫陽之敢方帝命也。禮經：天子不筮。諸侯守筮，難從者，卽天子不用筮之義也。言上帝命我掌夢，只須以帝命招之，魂自復矣。天命之尊，何假筮乎？若必假筮而予之魂魄，卽筮之而不吉，奈何？是任其魂魄之離謝。

矣。不若竟招之爲得也。

乃下招曰。魂兮歸來。去君之恆幹。何爲乎四方些。舍君之樂處。而離彼不祥些。些蘇賀反

集注些語詞。今夔峽湖湘及南北江獠人。凡禁呪句尾。皆稱些。乃楚人舊俗。

魂兮歸來。東方不可以託些。長人千仞。惟魂是索些。十日代出。流金鑠石些。彼皆習之。魂往必釋些。歸來歸來。不可以託些。

集注八尺曰仞。東方有扶桑之國。十日並在其上。以次更行。其熱酷烈。彼皆謂彼處居人。釋解爛也。

周拱辰曰。大荒經有神名曰尺郭。長百丈。腹圖如鼓。赤蛇繞其項。好食鬼。朝吞三千。暮吞三百。又神異經。東方有吞鬼之父。

魂兮歸來。南方不可以止些。雕題黑齒。得人肉以祀。以其骨爲醢些。蝮蛇綦綦。封狐千里些。雄虺九首。往來儻忽。吞人以益其心些。歸來歸來。不可以久淫些。蝮音福

集注題額也。雕刻其肌。以丹青涅之也。南人常食羸蝻。得人之肉。則用以祭神。復以其骨爲醬而食之。今湖南北有殺人祭鬼者。蝮大蛇也。綦綦積聚貌。山海經。蝮蛇色如綬紋。大者百餘斤。一名反鼻蛇。封狐大

狐也。健走千里求食也。

周拱辰曰：雕題黑齒、凡湖湘廣貴獾獠猪獐皆有之、俗多魘魅之術。念呪禁之。其人卽變獸畜。或貨爲人耕服。或宰割充豕肉賣。或烹剝卽用以祭魅神。皆是也。蝮蛇短形反鼻錦文。衆蛇之中此獨胎產。最毒殺人。封狐大狐亦老狐也。千歲之狐能易形魅人。往來儵忽莫可踪跡。愚民往往遭其蠱害。羿射封狐以其往來神速。羿能射殺之。稱神射也。山海經畢方人面雄虺九首。

魂兮歸來。西方之害。流沙千里些。旋入雷淵。靡散而不

三句一韻  
變體

可止些。而得脫其外。曠宇些。赤螳若象。立遽若壺些。  
五穀不生。藜菅是食些。其土爛人求水。無所得些。彷徨  
無所倚。廣大無所極些。歸來歸來。恐自遺賊些。旋去聲  
壺叶行

古反藜叢  
同菅音奸

集注。靡碎也。螳蟬也。壺乾瓠也。菅茅屬。高者至丈  
餘。可以飼牛。言西方之土。溫暑而熱。焦爛人肉。渴飲  
求水。不可得之。今環靈之間。有旱海。六七百里。無水  
泉。卽其證也。

周拱辰曰。雷淵。水經注。崑崙河水。又南入葱嶺山。又  
西逕罽賓月氏安息諸國。河水與蜺羅跋耆水同注。



雷。蟊。海。斯。乃。西。方。流。沙。之。雷。淵。也。泰。山。之。與。邱。垤。趙。  
歧。曰。垤。蟻。封。今。朔。地。蟻。封。其。高。大。有。如。塚。者。所。謂。蟻。  
塚。蓋。出。此。明。萬。厯。小。西。洋。進。貢。稅。官。查。貢。物。有。赤。蟻。  
一。軀。以。朱。紅。匣。藏。之。長。尺。有。三。寸。口。食。朱。砂。二。兩。卽。  
此。類。也。蠶。有。赤。黃。數。種。玄。蠶。土。蠶。也。黑。色。似。木。蠶。而。  
大。地。中。作。房。最。大。者。螫。人。至。死。壺。形。圓。大。故。蠶。似。之。  
魂。兮。歸。來。北。方。不。可。以。止。些。增。冰。峩。峩。飛。雪。千。里。些。歸。  
來。歸。來。不。可。以。久。些。

周。拱。辰。曰。言。炎。天。皆。冰。四。時。皆。雪。也。  
魂。兮。歸。來。君。無。上。天。些。虎。豹。九。關。啄。害。下。人。些。一。夫。九。

首拔木九千些。豺狼從目。往來僂僂些。懸人以娛。投之

深淵些。致命於帝。然後得瞑些。歸來歸來。往恐危身些。

上時掌反天叶鉄因反從音縱僂  
集注言天門加重虎豹守之僂僂衆貌從豎也

魂兮歸來。君無下此幽都些。土伯九約。其角觶觶些。敦

胾血拇。逐人駢駢些。參目虎首。其身若牛些。此皆甘人

歸來歸來。恐自遺災些。都叶丁奚反觶音宜胾一作三蘇

甘反牛叶魚奇反遺

集注土伯后土之伯約屈也言其身九屈觶觶角銳

貌敦厚也胾背也足大指曰拇駢駢走貌甘人此物

前曰九首  
又曰三目  
此言九尾  
解九曲者  
繆

食人以爲甘美。

周拱辰曰：土伯土神也。其神牛身。土屬牛也。猶東方

木神爲勾芒。其神龍身。西方金神爲蓐收。其神虎身

是也。九約、約尾也。呂氏春秋：肉之美者，旄象之約。九

約、言九尾也。敦、肱、血、拇、背、厚、而、足、指、多、血、以、利、瓜、攫。

人常多血也。曰參目。曰九尾。曰虎首。寫牛身怪狀。若

此甘人。噉人若飴也。

魂兮歸來。入脩門些。工祝招君。背行先些。秦篝齊縷。鄭

綿絡些。招具該僑。永嘯呼些。魂兮歸來。反故居些。門叶

反背音倍。篝音清。絡叶

極答樓魂  
廷樓樓魂  
制百周禮古

集注脩門、郢城門也。男巫曰祝、巫背反走、則面向魂、而先爲引導者、以致敬、簞籠也、縹綫也、綿絡、纏縛之具、魂行乘空、故設簞縹爲綫、綿絡爲竿、若世之所爲浮、浮度是也、嘯呼、卽所謂臯也、周拱辰曰、舊訓簞縹爲綫、綿絡爲竿、若世之所爲浮、度非是、蓋浮度起於浮屠氏、人死有魂、幡度橋、異端之說、古無此制也、按簞籠、答也、以竹爲之、蹲於靈筵、覆之以縹、魂者、縹卽組縹、用五色彩線、結縹於靈筵、是也、水經注、齊阿邑出繒組、所云阿裼之類、故曰齊縹、綿絡、靈幡也、卽鄭僑所贈縹紵之屬、周禮夏采、掌

復之官。復謂始死招魂復魂也。古者人死使人以其上服升屋而號。遂以其衣三招之。乃下以覆尸。冀其復生也。又以乘車建綏。復于四郊。綏以牛毛尾爲之。綴於幢上。象太常之旗。冀神魂識之也。綿絡卽此遺制。

天地四方多賊奸些。像設君室。靜閒安些。

閒音

集注像楚俗人死則設其形貌於室而祠之。

周共辰曰。孝子不忍忘親。繪像以藏之。歲時則展壁而拜奠焉。以安神明謂之壽宮。以設靈几謂之影堂。高堂邃宇。檻層軒些。層臺累榭。臨高山些。網戶朱綴。刻

方連些。冬有突廈。夏室寒些。川谷徑復流潺湲些。光風轉蕙。汎崇蘭些。經堂入與朱塵筵些。累上聲矣。於叫反。

集注。檻。楯也。從曰。檻。橫曰楯。軒。樓板也。層累皆重也。無木謂之臺。有木謂之榭。又曰。凡臺無室曰榭。網戶者。以木爲門扉。而刻爲方目。如羅網之狀。卽漢所謂米恩程泰之以爲今之隔亮也。朱綴者。以丹朱飾其交綴之處。使其所刻之方相連屬也。突。深也。爾雅東南隅謂之突。廈。大屋也。謂溫室也。盛夏暑熱。則有洞達陰堂。其內寒涼也。源流爲川。注谿爲谷。徑。過也。復。反也。言所居之舍。激導川水。徑過園庭。回通反覆。其

流急疾、又潔淨也。光風、謂雨止日出而風、草木有光也。轉搖也。汜猶汜汜搖動貌。西南隅謂之與塵。承塵也。筵、竹筵也。言風自蘭蕙之間、經由堂中、以入於與塵、筵之間也。鋪陳曰筵。藉之曰席。周拱辰曰：軒非樓板，卽軒廠之軒。言堂宇旣高遠，則檻亦因之層疊。軒敞也。此正與下伏檻異。王弼注曰：突厦，複屋也。逸雅曰：水直波曰涇，涇徑也。言流泉一道而勢則回溯也。光風轉蕙，正是春景。爾雅水決之澤爲汧，決復入爲汜。汜水去復還也。言風往搖蕙還復旋而吹蘭也。朱塵筵，舊朱子無訓，以其碍耳，愚謂

無處不著

南史書才史

卷九

八

朱塵猶紅塵。春時落紅滿地。風吹起而拂筵也。

砥室翠翹。挂曲瓊些。翡翠珠被。爛齊光些。翳阿拂壁。羅

幃張些。纂組綺縞。結琦璜些。室中之觀。多珍怪些。渠璚揚

音反幃

集注砥礪石也。穀梁云天子之桷斲之礪之加密石

焉。注云以細石磨之翹鳥尾長毛也。曲瓊玉鈎也。翳

赤羽雀。翠青羽雀。翳席也。阿曲隅也。拂薄也。以翳

席替壁之曲也。幃禪帳也。纂組綬類也。纂似組而赤

綺文繪也。縞細繪也。言幃帳皆用綺縞又以纂組結

束玉璜爲飾也。



周拱辰曰。被在窓牖之隅。所以遮日光者。翡翠綴之。而又飾以珠也。蒨阿蒨草。軟細而有曲痕之貌。拂四壁。使之瑩淨。而后張設羅幃也。室中之觀多珍怪。言室制既華且美矣。而室中陳設尤多奇麗之觀。凡寶玉珠貝。圖畫彝鼎。前代法物。以至異域奇產。無不畢羅也。今高門供客。盛設玩器。以爲觀美。往往有之。蘭膏明燭。華容備些。二八侍宿。射遞代些。九侯淑女。多迭衆些。盛鬋不同制。實滿宮些。容態好比。順彌代些。弱顏固植。寒其有意些。姱容脩態。廻洞房些。蛾眉曼睩。目騰光些。靡顏膩理。遺視聯些。離榭脩幕。侍君之閒些。

叶備

騰光既辭  
則曰層波  
文心辭妙  
真作賦手

商馬直才身

夕

夕

步介反射音亦衆叶直弓反鬻音剪代叶  
徒系反絙亘同曼音萬聯音綿閒音閑

集注蘭膏明燭以蘭練膏而溉以爲燭則馨從燭出  
也二八二列也大夫有二列之樂故晉悼公賜魏絳  
女樂二八歌鐘二肆也射厭也遞更也九侯淑女設  
言商九侯之女入之紂而不喜淫者絙竟也睞目睞  
緊也還視竊視也聯脉也方言驢瞳之子謂之聯注  
云聯邈也離別也脩長也幕大帳也間閑暇也鬻鬻  
也不同制卽後世所云靈蛇之髻墮馬之髻種種不  
同也

周拱辰曰蘭膏非以蘭練燭也楊升庵云凡蘭皆有

露珠一滴。含在花蕊間。此謂蘭膏。甘香倍於常蕊。蓋取蘭露。以爲膏。猶美人取薛蕊露。以掠髮。是也。鬢髮也。非髻也。不同制。卽今所云翹尾鬢。掩耳鬢。半月鬢。蟬鬢。鴉翎鬢之類。漢魏六朝間。有眉譜。鬢譜。卽此意。弱顏。體態溫柔。固植端立不動。審其有意。言不作妖冶。含情無盡也。曼睩。言目色。潘人所云鵲老眼也。視聯聯。脉也。猶脉脉不得語意。古稱眉語者。此以目語也。離榭。卽彼黍離離之離。前日累榭重疊也。此云離榭。陸離相間也。

翡翠帳。飾高堂些。紅壁沙版。玄玉之梁些。仰觀刻桷。

南。駢。草。木。使。卷。九

十

畫。龍。蛇。些。坐。堂。伏。檻。臨。曲。池。些。芙。蓉。始。發。雜。菱。荷。些。紫

莖。屏。風。文。緣。波。些。文。異。豹。飾。侍。陂。隄。些。軒。輶。既。低。步。騎。

羅。些。蘭。薄。戶。樹。瓊。木。籬。些。魂。兮。歸。來。何。遠。爲。些。蛇。池。並

反。陂。音。頗。隨。音。馳。籬。叶。音。羅。爲。叶。音。訛。

集。注。紅。壁。以。丹。砂。塗。壁。沙。版。沙。棠。之。版。桷。椽。也。畫。刻。

畫。也。春。秋。刻。桓。公。桷。此。蓋。刻。龍。蛇。而。彩。畫。之。也。坐。堂。

伏。檻。言。池。中。小。閣。堂。可。容。坐。而。檻。可。憑。伏。也。菱。菱。也。

秦。人。謂。之。薜。荔。屏。風。水。葵。也。又。名。鳧。葵。又。名。防。風。卽。

荷。菜。生。水。中。莖。紫。色。文。緣。波。言。芙。蓉。屏。風。花。葉。雜。色。

風。蹙。水。動。緣。波。爛。若。也。陂。隄。長。堤。也。文。異。豹。飾。言。侍。

從人、皆衣虎豹之文、異采之色也、軒、曲輶簠車、低、俛也、凡車待駕、方低而未昂、詩所謂如輕如軒者也、瓊木、猶言玉樹、

周拱辰曰、紅壁沙版、說文紅帛赤白色、卽今俗稱桃紅也、木之卧土、久而堅者、通稱沙版、言以桃紅塗壁版、又堅固而淨也、刻楠畫龍蛇、卽考工記深其爪出其目、作其鱗之而也、坐堂伏檻、坐非坐立之坐、伏亦非憑伏之伏、皆卑墜下垂之意、前云高堂、遠宇、檻、層軒、此則堂不高而矮、如蹲踞、然檻不軒而俯、如僂伏、然前臨高山、此臨曲池、一襲山之爽、一襲水之幽、山、

高敞堂檻亦與之俱敞。水低伏堂檻亦與之俱伏。雖  
曰各有規制亦因其勢爾。武陵記兩角曰菱三角四  
角曰菱屏風非草名。楊升庵謂葉障風屏音丙正與  
綠波爲對。宋吳咸詩綠波春漾紫莖風是也。軒輊旣  
低非低昂之低猶詩曠野天低之說也。薄戶逼戶也。  
語曰氣薄雲天言芳蘭逼舍而種。

家室遂宗食多方些。稻粢稱麥。挈黃梁些。大苦鹹酸辛  
甘行些。肥牛之臠。臠若芳些。和酸若苦。陳和羹些。胹鼈  
炮羔有柘漿些。鵠酸臠臠煎鴻鵠些。露鷄臠螭屬而不  
爽些。稱音卓挈女居反行音航臠居延反臠音霍螭音奚爽  
音郎臠音而柘蔗同臠於充反臠音霍螭音奚爽

集注稻、今秔粳二米也。粢、稷也。亦名稭、稱、擇也。稻、麥、稻處種麥而擇取其先熟者。挈、揉也。黃梁、出蜀漢商、浙亦種之。美而香。逾於諸梁。號爲竹根黃。大苦、歧也、臄、筋頭也。臄、爛也。若杜若、用以煮肉、則去腥而芳也、若苦之若、作及、脯煮也。羔、羊子。炮、合毛毳物而燒之、柘、諸蔗也。言取諸蔗之汁爲漿飲也。鵠、酸以酢烹鵠也。臄之少汁曰臄。露、鷄、露棲之鷄。有菜曰羹。無菜曰臄。螭、龜屬。厲、冽也。爽、敗也。楚人名羹敗曰爽。周拱辰曰、稷爲五穀長。以其中央之穀。或爲粢。或爲

種種精細  
如郇厨庖  
師和羹妙  
手

稌。穆天子傳赤鳥之人獻稌百載。月令中央土食稷  
與牛。稱說文謂蚤熟。稱麥蓋麥之蚤熟者。梁有青梁  
黃梁白梁三種。黃梁穗大毛長粒麤。收子少。不耐水  
旱。食之香味倍於諸梁。辛甘行。言取豉汁調以鹹酸。  
椒薑飴蜜則辛甘之味皆發而行。豉爲大苦。卽爾雅  
以甘草爲苦草是也。肥牛美而牛筋更美。故曰肥牛  
之腩。柘漿所以飲者。此則以烹鼈與羔也。今人欲烹  
美味。以甜酒澆之。卽此意。周禮四飲之物。三曰漿。石  
氏星經酒醪五齊之物。天文酒旗星主之。漿水六清  
之屬。天文天乳星主之內。則所云酒與漿本自兩物。



說物知味  
豈能得神

漿有以米作者粟米新熟煎味甘酸微溫無毒主調  
中引氣是也有以菓作者唐晏士有三勒漿訶梨勒  
菴摩勒烏攬勒是也有以柘作者漢泰樽柘漿唐大  
庖還有柘漿寒是也鵠酸以酢治鵠鵠鳧小腊也鵠  
鵠也又鵠鷹爲鵠玄鵠長足羣飛鳴則霜下是也  
柘救密餌有餵隗些瑤漿蜜勺實羽觴些挫糟凍飲耐  
清涼些華酌既陳有瓊漿些歸反故室敬而無妨些音柘  
巨救音汝餵音張餵音皇  
蜜音勺音酌耐值又反  
集注柘救環餅也吳謂之環膏以蜜和米麵煎熬作  
之餌搗黍爲之方言謂之糕餵餵餵也以菓熬米爲

之亦謂之飴。瑤漿漿色如玉者。靈見禮經。通作冪。以疏布蓋尊者。勺挹酒器也。羽觴酌酒之器。爲生爵形。似有頭尾羽翼也。言舉冪用勺。酌酒而實爵也。挫。捉也。凍冰也。酎。醇酒也。言盛夏則爲覆甕乾釀。捉去其糟。取其清醇。居之冰上。然後飲之。酒寒涼。又長味。好飲也。酌。酒斗也。

周拱辰曰。孔子食先黍。以黍爲五穀之先。黍又搗以爲飴。謂之餠餠。及原死。楚人以菰葉裹黍祠之。謂之角黍。可。山林氏曰。此自是三品。粬。粬乃蜜麵之乾者。蜜餠乃蜜麵之少潤者。餠餠乃寒食具也。禮經疏布。

既曰盛夏  
又曰居之  
冰上其繆  
自見且此  
時招以春  
豈夏時又  
用招乎

情事妖麗  
寫出一幅

以祭天地用。至祀宗廟則以畫布矣。此靈勺必以玉  
繡爲之。觀下句華酌瓊漿。必不以布覆也。篇中曰光  
風轉蕙。曰芙蓉始發。曰綠蘋齊葉。曰獻歲發春。又曰  
目極千里傷春心。皆指春時言。哀郢曰方仲春而東  
遷。蓋屈原遷國以春。故招魂亦以春。而晦翁以盛夏  
居酒冰上。豈非背語乎。挫糟凍飲。謂以筭壓酷。除去  
糟而冷飲也。酒宜溫服。惟新醕宜於涼飲。熱服之反  
問人。上云有瑤漿。此曰有瓊漿。非複也。瑤漿白玉色。  
此頰玉色。所云黃流是也。  
肴羞未通。女樂羅些。敝鐘按鼓。造新歌些。涉江采菱。發

商馬其才身一  
揚荷些美人既醉朱顏酡些娛光眇視目曾波些被文  
服織麗而不奇些長髮曼鬋豔陸離些  
酡叶徒何反曾

叶力戈反

集注肴骨體又菹也致滋味為羞按猶擊也荷當作

阿涉江采菱揚荷皆楚曲名不奇奇也

周拱辰曰陳鐘按鼓造新歌是鐘乃歌鐘鼓乃應鼓

也鐘小而各應呂律同在一簾上下皆八春秋言歌

鐘二肆是也爾雅小鼓謂之應縣鼓在西應鼓在東

周禮登歌令奏擊拊應鼓棟以應之是也

二八齊容起鄭舞些衽若交竿撫案下些竿瑟狂會損

鳴鼓些。宮庭震驚。發激楚些。吳歛蔡謳。奏大呂些。下叶

作填歛音俞

集注衽衣襟也。言舞身迴轉。歛身鶻落。衣不踣揚。所以衽若交竿。撫案下者。按節徐行。如推若曳者也。損急擊也。激楚歌舞名。

周拱辰曰。二八兩列十六人。或曰。二八艾齡也。齊容言妝飾一般。衽若交竿。卽世所云斂衽。案非摩案。卽舉案齊眉之案。食具也。周禮案十有二寸。天子用之。卿大夫亦有彩飾者。撫盤旋也。言舞者纖束如竿之植。同轉如竿之交。而盤旋於案下也。吳歛慘。蔡謳淫。

結字義確  
訓頭髻者  
非

吳歛蔡謳矣。而曰奏大呂以豔曲始。以雅歌終也。  
士女雜坐。亂而不分些。放歌組纓。班其相紛些。鄭衛妖  
玩。來雜陳些。激楚之結。獨秀先些。結古詣反先  
集注組纓也。纓冠系也。結頭髻也。激楚之結。蓋歌舞  
此曲者之飾。秀先秀異而先進於衆也。  
周拱辰曰。士女雜坐。旣歌舞相紛矣。又曰。鄭衛妖玩  
何物也。此非另有美人。亦非別有歌舞之謂也。凡宴  
飲豪盛者。歌舞小停。另行劇戲。如吞刀吐火。盤鈴碗  
壘。魚龍獬抵之類。各以其土之妖幻相競。然後終場  
歌舞是也。激楚之結。淮南言鄭舞者髮若結旌。許氏

曰。屈而復舒也。詩云。匪伊卷之。髮則有旗。結旌則旗之義。又曰。卷髮如蠶。言首飾整然矣。秀先言不太揚。不太縮。秀雅獨擅其先也。

篴。篴象棋。有六篴些。分曹並進。道相迫些。成梟而牟。呼五白些。晉制犀比。費白日些。鏗鏘搖篴。楔梓瑟些。篴音

音敵。篴博同。迫叶補。各反。日叶音。若。揆音。憂瑟叶音。朔。

集注。篴。竹名。篴博齒也。篴篴作箸。象牙作碁。博雅云。投六箸。行六碁。故爲六篴也。曹。偶也。道。亦迫也。投箸行碁。轉相道迫。使不得擇行也。倍勝爲牟。五白卽篴齒。言已碁已梟。當成牟勝。故呼五白。以助投也。晉制

犀比謂晉國工作箒基制比集犀角以爲雕飾鏗撞也。簾懸鐘格契轆也。

周拱辰曰按六箒用十二基白黑相等所擲頭謂之瓊瓊有五采或曰六箒卽今骰子用六隻骰故名又云以五木爲骰有梟盧雉犢塞爲勝負之采必刻一頭如梟鳥形得之爲最勝故爲呼盧前曰陳鐘按鼓曰竿瑟狂會此又云鏗鐘搖簾言擊鐘無已紐亦搖曳而不定又曰契梓瑟言憂瑟不已絃亦轆而幾斷也。

娛酒不廢沈。日夜些。蘭膏明燭華鋹錯些。結撰至思蘭



詩俗父

二句總收

中無獵  
手故此足

芳假些人有所極同心賦些耐飲盡懽樂先故些魂兮

歸來反故居些

經一音燈錯七故反假叶音故一音格居叶舉慮反

集注銓錠也錠中置燭故謂華燈言刻畫為鳥獸

之形也極傾倒也先故舊事也陳嬰母曰汝家先故

未曾貴是也又曰先代典故也

周棋辰曰沈非沈湎即沈沒之沈言無數白日良夜

都向酒中沈沒不但白日費夜亦費也假即奏假無

言之假言幽思濬發淑如芳蘭也先故先輩故舊也

即室家遂宗等人

亂曰獻歲發春兮汨吾南征荼蘋齊葉兮白芷生路貫

之寫得生  
 驚徑江機  
 皆因及時  
 為樂至目  
 極傷心則  
 望端寄然  
 矣

廬江吟 卷九 二

廬江吟左長薄倚沼畦瀛兮遙望博青驪結駟兮齊千  
 乘懸火延起兮玄顏烝步及驟處兮誘騁先抑驚若通  
 兮引車右還與王趨夢兮課後先君王親發兮憚青兕  
 朱明承夜兮時不可淹臯蘭被徑兮斯路漸湛湛江水  
 今上有楓月極千里兮傷春心魂兮歸來哀江南平聲  
還音旋先叶音私栢梁詩入時韻兕叶  
音詞漸音尖楓叶乎金反南叶尼金反  
 集注廬江長薄皆地名左者行出其右也畦猶區也  
 瀛池中也楚人名池澤中曰瀛純黑為驪結連也懸  
 火玄顏言夜獵延燈林中其火延及燒於野澤上烝  
 玄天而赤也步及驟處步行而及驟馬所至之處言

走之疾也。誘蓋爲前導而馳騁。以先誘獵衆。若儀禮射儀之有誘射也。若順也。止馳驚者。使順通獵事。引車右轉。以射獸之左也。夢澤名。楚有雲夢澤。方八九百里。跨江兩岸。雲在江北。今玉沙監利景陵等縣是也。夢在江南。今公安石首建寧等縣是也。兕似牛一角青色。重千斤。朱明日也。皐澤也。漸沒也。春深則草盛水深而路沒也。楓似白楊。葉圓而岐。有脂而香。厚葉弱枝。至霜後。丹葉可愛。故騷人多稱之。目極千里。言湖澤博平。春時草短。望見千里。令人愁思也。玉意欲原復歸郢都。故言江南之地。可哀如此。不立久留。

也。

周拱辰曰。春獵。故駕青驪。月令孟春之月。天子居青陽左个。乘鸞輅。駕蒼龍。蒼龍卽青驪也。四馬總轡曰駟。與楚君同車駟馳獵。故曰齊千乘。懸人楊用脩謂卽今之紗提。火起而綿延不斷。言夜獵而雜火之多也。玄顏卽獵者之顏。夜色故曰玄顏。火光映射。故曰蒸也。趣夢。按春秋魯昭公三年。鄭伯如楚。子產備田具以田。江南之夢。郭景純言華容縣東南邱湖地是也。課後先臣非敢先君也。言獵騎縱橫馳突。或先之。或後之。課所獲之多寡爲飲至也。兕有赤兕。青兕。詩

美宣王殪此大兕。唐叔虞射兕於徒林。殪以爲大甲。以享晉封。其後世之臣相與傳頌之以愧其君。此曰君王親發。今憚青兕以服猛歸美其君。而臣亦有榮施。庶幾可以娛魂而來之云爾。漸卽漸濡。言夜深露零。草沾路滑。宜知息也。楓葉經霜。丹紅可愛。故愁人多稱之以起思。當春時旣已萎殞。齊葉。阜蘭被徑。則楓葉亦旣離離而青矣。此時物色潔茂。千里可愛。春心何以傷乎。悲哉。秋氣而不知春心之更可悲也。何則。以仲春東遷。遇春而知放。臣無聊之不自己也。世之言閒情者曰。春愁曰春思。曰傷春。謂此也。目極千

里。殆。引。領。兩。東。門。乎。嗟。乎。有。女。懷。春。含。情。遲。吉。士。之。  
誘。有。士。怨。春。何。時。來。明。主。之。憐。無。限。哀。怨。無。限。冀。幸。  
道。意。言。情。黯。然。魂。折。

桑悅曰。招魂體極奇。詞極麗。亦玉之勑格也。昔人  
云。天。不。生。屈。原。不。見。離。騷。子。云。天。不。生。宋。玉。不。見  
招。魂。

王世貞曰。楊用脩言招魂遠勝大招。足破宋人眼  
耳。宋玉深致不如屈原。宏麗不如司馬。而兼撮二  
家之勝。

周拱辰曰。招魂精麗刻畫。幾于自然。可謂繪人能

語。畫龍欲飛。人巧天工。兩臻其至。○又曰。招魂如  
太真肌豐善舞。大招妍麗不如。而一種淡欲無言。  
拈有天寒翠袖之致。優此劣彼。皆曰論也。

離騷草木史卷之十

古樵李周拱辰孟侯注

錢塘程光祿奕先

參閱

吳江顧 樵樵水

六世孫 踴潛  
以清

七世孫

東杰椅楨桂材楚榮相翰

重校刊

大招

周拱辰叙曰、大招、嗣招魂而作也、宋玉景差皆原



弟子而同其聲以號之、均之不能已於此也。旣莫  
足與爲美政兮、吾將從彭咸之所居。玉以種種之  
娛獵侑之、而差以三王侑之以是耶。夫固曰侑之  
以種種之娛獵、不如侑之以三王之饌之飽也。云  
爾不然者、三閭之魂餒而抑玉與差大其聲以號  
之、而師弗聞。猶之原大其聲以號之、而君弗聞也  
者、則奈何。不乃陳尸者而徒飯以貝飯、以珠乎。然  
則飲以豐爵、饌以三王、而珍糲之種種也、不以食  
道用美焉。爾則吾不知之矣。

青春受謝。白日昭只。春氣奮發。萬物遽只。冥凌洩行。魂

迂腐謂是  
宋儒一派  
未然

宋玉招以  
春景差亦  
招以春

無逃只魂魄歸徠無遠遙只只音止遠叶渠驕反

集注青春受謝言立冬謝去而青春受之也遽猶競也言春氣奮發而萬物忽遽競起而生出也冥幽暗也凌冰凍也浹周洽也言春氣既發幽暗冰凍之地無不周洽而流行故魂魄之已散而未盡者亦隨時感動而無所逃於是極此時而招之欲其無遠去而歸來也

魂乎歸徠無東無西無南無北只

東有大海弱水洌洌只螭龍並流上下悠悠只霧雨淫

淫白皓膠只魂乎無東湯谷寂寥只按下章例此章上當有魂乎無東四

東海外亦有崑崙前此未聞

屈原專要言沙之物

字澈音悠皓一作浩膠叶居幽反寥叶力求反

集註悠悠螭龍行貌皓膠冰凍貌湯谷日之所出其地無人也

周拱辰曰崑崙之西弱水出焉東海何以有弱水按水經注東海方丈亦有崑崙之稱東海有崑崙則東海當亦有弱水也湯谷卽暘谷尙書宅隅夷曰暘谷是也

魂乎無南南有炎火千里蝮蛇蜿蜒只山林險隘虎豹蜿只鯢鱗短狐王虺騫只魂乎無南蜮傷躬只一作陵騫讀作襄蜿音駕鯢魚躬反鱗以恭反蜮音域躬叶居延反

集注。蜺，長貌。蜺，虎行貌。鰮，魚名。皮有文。鰮，魚音如龜。鳴短狐。蜺也。說文曰：蜺似鼃，三足。陸機曰：一名射影。人在岸上，影在水中，投人影則射之。或謂含毒沙射人名射工，鰮舉頭貌。

周拱辰曰：蜺，蛇。宋玉招魂亦用之。或曰：炎火千里，蜺蛇乃火蛇也。蛇有火蛇，龍有火龍，鼠有火鼠，蓋物之食火者。王昶：蜺額有王字。文始：經蜺射影而斃。我無不在也。師曠：禽經：鵝飛則蜺沈。蓋蜺畏鵝也。又補禽經：鵝鵝好食短狐。

魂乎無西。西方流沙。洋洋只。豕首縱目。被髮鬢只。長

爪踞牙。談笑狂只。魂乎無西。多傷害只。游居朗反。縱將容反。鬢而羊反。

踞當作鋸

談音嬉

集注。縱直豎也。鬢髮亂貌。踞牙言其牙如鋸也。談強笑也。其西方有神。其狀如此。

周拱辰曰。按五行秘籙。流沙亥垣。其神豕首。

魂乎無北。北有寒山。遶龍施只。代水不可涉。深不可測。

只。天白顥顥。寒凝凝只。魂乎無往。盈北極只。施許力反。一作伐。

顥音浩。凝一作嶷。魚力反。

集注。施赤也。顥顥光貌。凝凝冰凍貌。盈北極言此冰

凍盈北極也。遶龍燭龍也。

魂魄歸徠。閒以靜只。自恣荆楚。安以定只。逞志究欲。心意安只。窮身永樂。年壽延只。魂乎歸徠。樂不可言只。叶安

反

一先

五穀六仞。設菰梁只。鼎臠盈望。和致芳只。內鵠鵠鵠。味叶豺羹只。魂乎歸徠。恣所嘗只。叶鵠仁反羹當反

集注五穀稻稷麥豆麻也。仞伸臂一尋八尺也。言積穀之多。設施也。菰葉將實。一名雕菰。臠熟也。致致醢酸也。芳謂椒薑也。內與臠同。肥也。鵠即倉鵠也。鵠似鳩而小。青白鵠有白黃兩種。豺似狗。

周拱辰曰。豺羹。臠豺爲羹也。古有猴羹。狗羹。豹羹。紫

駝羹卽此類

鮮蟪甘雞和楚酪只醢豚苦狗膾苴蓐只吳酸蒿蓐不  
沾薄只魂乎歸徠恣所擇只苴卽魚反蓐音各反擇叶徒各反

集注生潔爲鮮蟪大龜也酪乳漿也醢肉醬也苦以  
胆和醬世所謂膽和者也苴蓐一名蘘荷本草云葉  
似初生甘蔗根似薑牙蓋切以爲香也蒿白蒿春生  
秋乃香美可食蓐蒿也葉似艾生水中脆美可食沾  
多汁也薄無味也言吳人工調鹹酸燻蒿蓐以爲苴  
其味不濃不薄適甘美也

周拱辰曰前篇柘漿烹羔鼈此楚酪以烹蟪雞也犬

有田犬。山犬。守犬。食犬。此苦狗食犬也。白蒿。白於衆蒿。亦似細艾。最先諸草而生。爾雅謂繁燔蒿是也。蕒。多生於吳江東。用魚羹。則吳人善能調和之。如後世千里蕒羹。未下鹽豉之比。酸最薦齒。濃則沾牙。淡則寡味。惟濃淡適中者得之。故曰吳酸不沾薄也。

炙鵠。烝鳧。鮓鶉。鰒只。煎鱖。臠雀。遽爽。存只。魂乎歸徠。麗

以先只。

鵠古活反。鮓音潛。臠音霍。存叶祖陳反。先叶桑津反。

集註。炙燔肉也。鵠。糜鵠也。鮓。燔也。鶉。鴛也。鱖。小魚也。周拱辰曰。麗。味類。言其腴而華腴。獨先衆味也。與招魂秀先同。彼以色。此以味也。



四耐并孰不澀。噍只清香凍飲。不歡役只。吳醴白蘖和楚。懣只。魂乎歸來。不遽惕止。澀一作澀。噍叶音弋。飲一作飲。

集註耐三重釀酒。秦月令云春釀之。孟夏始成。漢亦以春釀。八月乃成。此云四耐。則是四重釀矣。并俱也。澀不滑也。噍咽喉也。言不澀人之咽喉也。凍猶寒也。再宿爲釀。蘖米麴也。懣清酒也。言使吳人釀醴和白麴以作楚懣也。

周拱辰曰耐左氏爲再釀。漢爲三重釀。此四耐以左氏重釀爲是。酒味太厚。則味苦喉澀。此不澀。噍味厚而甘滑也。凍飲卽前挫糟凍飲耐清涼意。飲與窖同。

宿酒也。蓋酒味新煮，則煩澁而不甘。宿則冷審而味全。香冽倍於新煮也。此凍飲。晦翁止釋猶寒，則前釋居之冰上，其誤自見。

代秦鄭衛。鳴竽張只。伏戲駕辨。楚勞商只。謳和揚阿。趙簫唱只。魂乎歸徠。定空桑只。代一作岱

集註：代秦鄭衛，當世之樂。伏戲之駕辨，楚之勞商，疑皆古曲名。或謂伏戲始作瑟也。徒歌曰謳。揚阿，卽陽阿。趙簫，趙國之簫也。以趙簫奏陽阿，先唱而謳以和之也。空桑，琴瑟名。

周拱辰曰：按異木攷，空桑生大野山中，爲琴瑟之最。

又呂覽云。顓頊生自弱水。寔處空桑。蓋美木。因以名地也。

二八接武。投詩賦只。叩鐘調磬。娛人亂只。四上競氣。極聲變只。魂乎歸徠。聽歌謨只。

集註。投合也。詩賦雅樂。關雎鹿鳴之類是也。叩擊也。金曰鐘。石曰擊。四上未詳。謨具也。

周拱辰曰。四上競氣。按焦弱侯類林。古者樂三上乃止。此云四上。四奏樂以宣四時之氣也。

朱唇皓齒。嫔以嫔只。比德好間。習以都只。豐肉微骨。調以娛只。魂乎歸徠。安以舒只。  
嫔音戶。嫔叶苦胡反。比必寐反。間音閑。

他人纏纏  
處著一二  
言如含苞  
微拆

集註。嬋嬋好貌。好閒。謂美好而閑暇。習。謂習於禮節。都。謂容態之美也。

嬋目宜笑。蛾眉曼只。容則秀雅。穉朱顏只。魂乎歸徠。靜以安只。嬋與

集註。曼。長而輕細也。則。法也。穉。幼也。

用拱辰曰。穉。非幼。言顏色嫩紅也。

嬋修滂浩。麗以佳只。曾頰倚耳。曲眉規只。滂心綽態。姣

麗施只。小腰秀頸。若鮮卑只。魂乎歸徠。思怨移只。佳叶

反滂一作漫思  
怨一作怨思

集註。鮮卑。袞帶頭也。言腰肢細小。頸銳秀長。若以鮮

此注無謂  
意鮮卑人  
織束故云  
然耳

卑之帶約而束之也。補曰：鮮卑之帶，匈奴傳所謂黃金犀毗。孟康以為要中大帶。張晏以為鮮卑郭洛帶。瑞獸名。東胡好服之者也。魏書曰：鮮卑東胡之餘，別保鮮卑山，因號焉。

周拱辰曰：倚耳，耳輪貼肉也。滂心，心歡洽也。小腰，腰細削如弱柳。所謂楚王好細腰，習俗成風也。

易中和心以動作，只粉白黛黑，施芳澤。只長袖拂面，善留客。只魂乎歸徠，以娛昔。只易以鼓反，澤叶待洛反，客叶苦各反，昔叶先約反，一

夕作

集註：芳澤，芳香之膏澤也。昔，夜也。

周拱辰曰古樂府有昔昔鹽鹽樂也言夜夜樂也  
青色直眉美曰嫵只靨輔奇牙宜笑嚙只豐肉微骨體  
便娟只魂乎歸徠恣所便只嫵音懸靨於牒反輔一作  
補扶羽反嚙虛延反便平聲

集註青色謂眉也嫵美白貌輔頰車也左傳輔車相  
依嚙笑貌

周拱辰曰青色色如螺黛也前曰曲眉此曰直眉前  
新月眉此一字眉也靨卽笑容頰有嬌痕也奇牙所  
謂齒如編貝齒如瓠犀也豐肉微骨所謂豐若有餘  
捫若無骨也

夏屋廣大沙堂秀只。南房小壇觀絕雷只。曲屋步櫺宜擾畜只。騰駕步遊獵春囿只。

壇音善觀音貫櫺一作檐畜音鼻

集注沙丹沙也。壇猶堂也。觀猶樓也。雷屋宇也。曲屋周閣也。步櫺長砌也。上林賦作步櫺。李善長云長廊也。

瓊轂錯衡英華假只。茝蘭桂樹鬱彌路只。魂乎歸徠恣志慮只。

假古路反

集註假大也。言所乘之車以玉飾轂以金錯衡英華照耀大有光明也。彌竟也。

孔雀盈園畜鸞鳳只。鵠鴻羣晨雜鵠鵠只。鴻鵠代遊曼

不必尖秀  
古意自莽

鷓鴣只魂乎歸徠。鳳凰翔只鷓鴣音肅

集註鷓鴣雞。鴻鴻鶴也。晨旦鳴也。書曰牡雞無晨。鷓鴣

鷓鴣也。鷓鴣長頸綠身似雁。

周拱辰曰歸藏有鳧鴛鴦有雁鷓鴣鷓又作鷓。禽經

曰鷓好風鷓好雨鷓好霜

曼澤怡面血氣盛只永宜厥身保壽命只室家盈庭爵

祿盛只魂乎歸徠居室定只

集註怡澤貌室家謂宗族盈庭盈滿朝廷也

接徑千里出若雲只三圭重侯聽類神只察薦天隱孤

寡存只魂乎歸徠正始昆只



集註接徑猶言通路也。出若雲言人民衆多其出如雲也。三圭謂公侯伯也。公執桓圭。侯執信圭。伯執躬圭。故曰三圭也。重侯猶曰陪臣。謂子男也。蓋楚王僭號其縣宰皆號曰公。如申公葉公之類。其小者應亦比子男也。聽類神者言其聽察精審如神明也。周拱辰曰接徑千里指衆諸侯言。言諸侯壤地相接。各延表千里出而會盟。出而田獵。扈蹕屯騎衛從如雲也。聽類神周禮訟有五聽。此則天高聽卑。天聽自民聽之說也。察篤天隱所謂凡民有喪匍匐救之也。田邑千畝人阜昌只美胥衆流德澤章只先威後文善。

美明只。魂乎歸徠。賞罰當只。明叶謨郎反。當叶平聲。

集註。周禮九夫爲井。四井爲邑。畛田上道也。

名譽若日照四海只。德譽配天萬民理只。北至幽陵南

交趾只。西薄羊腸。東窮海只。魂乎歸徠。尚賢士只。照一作昭。

海叶呼消反。士鉏里反。

集註。幽陵。幽州也。交趾。南夷。其人足大指開折。兩足

並立。指則相交。羊腸。山名。山形屈辟。狀如羊腸。今在

太原晉陽之西北。

發政獻行。禁苛暴只。舉傑壓陛。誅譏罷只。直羸在位。近

禹麾只。豪傑執政。澤流施只。魂乎歸徠。國家爲只。行下孟反。

曲終之奏  
大射揖讓  
猶雅絕

暴不叶下韻未詳疑亦有反音  
也壓於甲反罷與疲同羸音盈

集註獻行令百官上其行治如周禮令羣吏致事漢  
法令郡國上計也舉傑壓陞遙登俊傑使在高位以  
壓堦陞也直羸謂理直而才有餘者禹麾未詳國家  
爲言如此則國家可爲

雄雄赫赫天德明只三公穆穆登降堂只諸侯畢極立  
九卿只昭質旣設大侯張只執弓挾矢揖辭讓只魂乎  
歸徠尙三王只

明叶謨郎反降一作王  
卿叶乞郎反讓如羊反

集註諸侯立次三公其班旣絕乃使九卿立其下也  
昭質謂射侯所畫之地卽言白質赤質之類也大侯

謂所射之布。言虎侯豹侯之類也。上手延登曰揖。壓手退避曰讓。致語以讓爲辭。古者大射燕射鄉射之禮。將射者皆執弓挾矢以相揖。又相辭讓而後升射。劉辰翁曰。大招雅澹有古致。較之招魂如初唐之元和。彼態愈華妙。氣自暗離耳。周拱辰曰。大招閒靜婉素。如湘竹初苞。淚痕已具。而無其點漬狼藉之態。所謂文有君子之心。宋人所以取之也。